

2 сентябрь

1937 ар

№ 61 (373)

7-ти арзэ потэ.

Бидэс дуннеысь пролетар'ёс, олазьяськей.

Алнаш Колхозник

ВКП(б)-лэн Алиаш райкомезлэн но райисполкомлэн органы

Призывез умой ортчытом

Одигей сентябре—1915—16 арын вордскем егит'ёслы РККА радэ очередной призыв кутскиз. Горд Арми радын служить карон СССР-ысь граждан'ёслэн почётной обязанностьсы луэ шуса Сталинской Конституции гожтэмын. Таңе почётной обязанностьез нуон понна егит'ёс призывез ужан улысын, дышетсконын, озыи ик личной улоназы бадзым мылкыдэн пумитало.

Горд Арми радэ грамотной, политически развитой, юн тазалыко мурт'ёс гинэ кутысько. Азамат сельсоветысь Сомов Сергей, Рождественскысь Созин Александр, Туташевысь Зайков Гурьян, В.Асанысь Панфилов призывник'ёс но озыи ик уноез мукет'ёсыз малограмотнойёслэн школазы дышетскыса отлично но хорошо отметкасын потызы.

Кучерян сельсоветысь Майков Николай, Романов Иван, Постников Александр, Краснов Яков призывник'ёс тазалыксэс юнматыса лыкто, соос трахомаен висё ке вал, призывозь ваньзы йонатскизы.

Грамотной, юн тазалыко егит'ёс призыв азын оборонно-физкультурной ужез но вольмытызы. Кинокустын ужась Телицин С. А. ныль оборонной значок'ёс бастыз (ГТО, ПВХО, ГСО, Ворошиловской стрелок). „Виль гурт“ колхозысь Васильев Максим, Никонов Карп кыксы ик тракторной курсы дышетскемын, кыксылэн ик кык но куйн

оборонной значок'ёссы. Алнаш МТС-ысь тракторной отрядлэн бригадирез призывник Ушаков эш стахановец, сое но солэсь бригадэ УАССР-ысь Совнарком но Наркомзем премировать карызы.

Таңе умоесь пример'ёс тырос. Нош таин чош ик умойтэм интыос но вань на. Нимыстыз ик верно луэ Кадик сельсовет сярэсь. Татын призывлы дасяскон тырмыт өз вольмытэ. Парамонов Назар, Волков Петр кадэ призывник'ёс дышетсконлэсь палэнскемынызы али но малограмотнойёсь. Та сельсоветын ик призывник'ёс полысь 8-эз трахомаен висё.

Призывник'ёсты гожтэлы дышетон но валэктон сярэсь веран дыр'я районез но палэнэ кельтыны уг луы. Куд-ог дышетсьёс-призывник'ёс колхозник'ёс полын валэктон уж нуэм интые, асьсэос умойтэм пример возьматэ. Орлов Федор дышетсь татчиозь трахомазэ өз йонаты на.

Призывниклэсь нимзэ саптасьёс сярэсь нимаз ик верано. „Байшур“ колхозысь Постников Г. И. колхоз нянез лущкам понназ 5 арлы судить каремын. „Дуброво“ колхозысь Савельев С. И. колхозник'ёсты, колхозницаосты жугыса, юыса, колхозной дисциплинаез тйям понназ 5 арлы пуктэмын. Асьме районын призыв дас одиг сентябрьзэ мыноз. Котькуд призывниклы призывной пунктэ вольматэм дыре, сээь но таза лыктоно.

Кужмо ужалэ

(Дальний Востокысь юрдармеецлэн южтэтэз)

1936 аре март толээ монэ Горд Арми бастызы. Таңе почётной уже сюршуса малпаны ик уг тодыськы вал.

Али мон Дальний Востокын служить карысько. Монэн чош ик Удмурт республикасы, асьме районсы но уно эш'ёсы служить каро. Ваньмы ик ми шумпотонэн лачыламын. СССР-ысь социалистической заньбурез возман обязанностьмес ужен быдэстйськом. Эшшо но шулдыр орточо чыдэтскон нунал'ёс. Асьме республикасы, районсы, колхоз'ёсысь улонэн ми вискарятэк герзасыкемын. Нуналлы быдэ гожтэт'ёс, удмурт газет'ёс бастыськом. Соосты лыдзыса колхоз'ёсмылэсь ноку но выльмтэ выль удалтэмлыко ю-нянь бастэмзэс, партилэсь но правительстволэсь колхоз'ёсмылы льгота сэтэмзэс тодым. Эшшо но мылкыд жутске та социалистической узырлыкмес

возманын. Сак возмасыком ми сое фашистской захватчик'ёслэсь.

Нимаз ик мынам 1915 но 16 аре вордскем призывник'ёслы вазыськеме потэ. Нырысь ик мон тиледлы удалтэм ю-нянез дырыз дыр'я но ыштон'ёстэк октон-калтонын стахановской амалэн ужанэз паськытатыны чектысько. Призывлы удалтэм ю-нянез октон-калтонын азымнысь инты бастыса, тазалыктэс физически юнматыса но тодемлыктэс вылэ жутыса дасяське. Со саяна, эн вунэтэ государстволы ю-тысь сётонэз дыраз быдэстыны но призывлы дасясконнын классовой саклызэ Жутыны. Горд Арми аслаз радаз таза, грамотной, классовой саклыко егит'ёсыз вите. Социалистической кунмылэн данлыко армиез соку эшо но кужмо луоз.

С. В. Пчельников.

(„Виль кадр“ колхозысь)

СТАХАНОВЕЦ'ЁС-ЛЭН ЛЫДЗЫ БУДЭ

Стахановской движенилэн 2 ар тырмемез колхозник'ёс но колхозницаос, егит'ёс полы паськыт тукым жутиз.

Ми, Ст.-Утчан сельсоветысь „Валче кужым“ колхозысь егит'ёс, сезыи культу керттылонын 5 муртэн комсомольской звено кылдытым. Куйн мурт думылыса, оgez маштаса, мукетыз суслон пуктылыса нуналмысь быдэн 1000—1050 культу керттылыса, нормамес 250-300 процентлы быдэсьям.

Киршин.

Милям стахановец'ёсмы

Муважи сельсоветысь „Культурник“ колхозын уборка дыр'я стахановец'ёслэн лыдзы данаклы булиз. Курбатова М. А., Мазитова Д. А., Семенова О. С., Гареева К., Евдокимова А., Мазитов А., Иванова З. но мукетыз ю-нянез октон калтонын нормазэс нуналлы быдэ 200-300 процентлы быдэсьязы.

Колби, Пислегин.

„ТЫРШИТЬ“ БЫДЭСТИЗ

Удм. Тоймобаш сельсоветысь „Тыршишь“ колхоз государстволы ю-тысь сётон 132 центнер планзэ 28 августозь 100 процентлы быдэстйз. Ю-тысь сётон ужез Екимов Александр сельсовет член умой организовать карыз.

Та сельсоветысь ик „Социализме“ колхоз ю-тысь сётонэн бере кыле. Солэн планзэ возматэм дырлы витьтон процентлы саяна быдэстэмын өзёл на.


П. Герасимов.

Концерт кельшиз

29-ти августэ жыт Алнашысь республиканской колхозной театр Кучеряновской сельсоветэ потаз. Театротын „Ужтэмлэсь уж“ нимо одиг действииен постановка бере кык отделении концерт сётиз.

Постановкаез но концертэз учкыны „КИМ“, „Коллективист“, „Луговик“, Кагановичлэн, Бубновлэн нимыныз нимам колхоз'ёсысь колхозник'ёс но колхозницаос пересен-пиналэн люкасыкемын вал. Учкысь калык'ёс концертын шулды Степанов артистлэн черкесской эктонэз кель шемез сярэсь нимыстыз ик верало. Озыи ик быдэсак концерт кельшиз.

Г. Монашев.



Москва—Северной полюс—США героической перелет лэсьтэм „АНТ-25“ самолетлэн экипажез.

Паллянысен буре: М. Громов, С. Данилин но А. Юмашев.

Дышетскысьёс вуизы, школа тырмыт дасямтэ

1-ти сентябре Советской Союзысь пинал'ёс, гужем каникулэ культурно чыдэтскыса, школае выль кужымен лыктызы. Та нуналсын вань школаос пинал'ёсын тырмемын. Алнаш средней школае 5-ысен 10-ти класс'ёсы гинэ 442 мурт дышетскысьёс вуизы. 5-ти класс'ёсы 105 интые 169 мурт лыктэмын.

Пинал'ёс дышетскыны кутскон нуналэз умой дасяськыса пумитазы. Соос урокын азывыл орчем темаосты повторять карыса активно выступать каро. Ваньзылэн ик сьбразы тетрадьёс, учебник'ёс, карандаш'ёс. Нырысь нуналаз ик соос горячий завтракен

обеспечить каремын. Школа нош пинал'ёсты тырмыт дасяськытэк пумитаз. 100 мурт пинал'ёс общежитилы кулэясько. Нош общежити 20 муртлы гинэ. Озыи ик класс'ёсты дышетскыны кутскем бере гинэ оборудовать карыны кутскизы. Дышетскысь пинал'ёслы 2 класс'ёс уг тырмо. Соы луса дышетсконэз кык сменаен нуоно луэ. Виль лэсьтэм партаос нырысь нуналаз ик 10-эз ярантэм куашказы. 1-5-8 класс'ёсы кудманда дышетскысь пинал'ёс лыктоно, дирекция өзтоач. Озыи ик лу но тырмыт дасямтэ.

Сем. Ших.

Школае мынонлэсь палэнтйзы

1-ти сентябре дышетскон ар кутскиз. Школаослэн бс'ёссы усыйськыса, гужем вакыт чыдэтскем, юнмам пинал'ёс нош ик партаос сьбры пуксызы.

Алнаш сельсоветысь „Безбожник“ колхозлэн правленийез нош пинал'ёслы дышетскыны кутскытозь умой чыдэтскон условие кылдытэм интые, соосты юри сантэма.

25 августэ Баженов Александр, 12 арес'ем дышетскысь пинал, лумбыт чоже тракторлы ву нулдыз. Соин

өз тырмы, Соколов М. бригадир но колхозлэн председателез Чернова Баженов Александрез штрафен кышкатыса уй сменае трактор сьбры прицепшике ыстизы. Лумбыт ужаса жадем но уйин изьымтэ пинал трактор улэ скориз. Баженов Александр секыт состояниен больницае вуттэмын. Пинал'ёсты сантэмась, школае мынонлэсь палэнтйсьёсты прокурорлы тодоно но чурьт ужда'ёс куттоно.

М. Жуйков.

Школьной участокез пудо возман карызы

Кузбайысь начальной школа та берло дыр'ёсы уно вильдыськиз вал ни. Школа котырын сад'ёс, отын ик физкультплощадка. Участок решёткаен котыр-тэмын. Уно егит'ёс отчы чыдэтскыны ветлылызы.

„Горд ошмес“ колхозлэн

председателез Петров эш школьной участокез нокинлэсь юатэк колхозной куньян'ёсты но толэс'ёсты возманы карыз. 99 выжы пёртэм-пёртэм сад'ёс тйяса но лёгаса быдтэмын.

Школьной совет.

6-ти сентябре--Международной Юношеской нунал

Международной Юношеской нунал ортчотон сяръсь решение егит'ёслэн (социалистической организациоссылэн бернской конференциясы 1915-ти арын кутэмын вал (Швейцариясы Берн городын). Соку та нунал азымынысь егит'ёслэн войналы пумит ялэм нуналзы вал. Капиталистической кун'ёсын та нунал единей фронт понна но егит'ёслэн коммунистической но социалистической союз'ёссылэн органической об'единениезы понна нюр'яскон нунал луэ.

Егит'ёслэн коммунистической интернационалы-лэн VI-ти конгрессэзлэн решениосаз гожтэмын: „Вань опыт возматэ, что общей тушмонлы пумит, фашизмлы но империализмлы пумит нюр'ясконы егит'ёс асьсэлэсь кужым'ёссэс ужась класс но вань ужаса ульсьёс пала огазетак асьсэ интерес'ёссэс азинько защищать карыны уг быгато“. XXIII-ти Международной Юношеской нуналэ мукет кун'ёсысь егит'ёс эрик понна, фашизмлы—ожмаськон жу-тисьёслы пумит, Советской Союзэз защищать карыны дасьлыкэс возматэсь революционной лозунг'ёсын но уж'ёсын демонстрировать карозы, егит кужымеж люкан бордын ужалозы.

Советской Союзысь егит'ёс социалистической роли-

назылы, великой коммунистической партилы но дуно, яратон Сталин эшлы пумтэм преданностьсэс возматозы. Асьме кунмылы пумит дасясыкись ожмаськонлэсь кышкытлыкэс соос одиг минутлы но уг вунэто. Соос уг вунэто Сталин эшлэсь капиталистической окружение сяръсь но асьме кунамы буржуазной кун'ёсын шпион'ёсты, диверсант'ёсты ыстылон сяръсь верамзэ.

Асьмелы, советской егит'ёслы, калыклэн тушмон'ёсызы — трокист'ёслы, бухаринец'ёслы пумит революционной бдительностез эшшо но вылэ жутоно. Политической учебалэсь Зечлыкэс умятоно. Комсомолец'ёс но вань союзын сылымтэ егит'ёс полын Яковлев эшлэсь докладзэ но СССР-лэн Верховной Советаз быр'ён'ёс сяръсь Положениез изучать карон организовать кароно. Оборонно-физкультурной кружок'ёс кылдытоно но отын ужез умятоно. Текущей политикаез дышетскон, СВБ кружок'ёс, вечерней НСШ но подросток'ёсты дышетон школаос вамен егит'ёсты дышетоно. Юоктон-калтон, государство-лы ю-тысь сётон, етин ужан, пудо вордон но мукет уж'ёсын стахановской движениез эшшо но пасыкыт влмытоно.

А. Усачев.

Политучебае активно ветло

Удм.-Гондырево сельсоветысь „Пашазэ“ колхозын 1937 арлэн январысеныз 7 мурт комсомолец'ёсын политшкола организовать каремын. Политшкола активно ужаны кутскиз. Та берло дыре комсомолец'ёс сяна нош на 5 мурт несоюзной егит'ёс политучебае ветлыны кутскизы. Егит'ёс партилэсь историзэ но текущей политикаез изучать каро. Активно дышетско

комсомолец'ёс полысь Васильев В., Димитриев, несоюзной егит'ёс полысь Наговицына эш'ёс.

Таин чош ик тырмымтэос но вань. Азыыл комсорг Фролов но комсомолец Иванов Л. политшколае уг ветло, общественной уж'ёсын уг ужало, хулиганить но ныл'ёсты серем карыса гинэ уло.

В. Яковлев.

Научно-популярной беседаос

5. КЫЗЫ ПОП'ЭС ПРЕСЛЕДОВАТЬ КАРИЗЫ ИИ СЯРЫСЬ НАУКАЕЗ

Уно дыр'я юало: зэм-а, что Коперникез солэн учениез понна костэрын сутызь? Мукет'ёссэ но поп'ёс ласянь чурит преследование уле сюрем ученойёсты толаны ваё. Зэм ик-а сыче чурит преследованиос вал? Ма понна поп'ёс ученойёсты преследовать карызы? Кызы бен со озы дуиз, что ученойёс поповской преследованности чидано луныз.

Зэм, Коперниклэн учениез нырысь ик поп'ёслы но мукет'ёсызы вуж мировоззрениез защищать барысьёслы ёз кельшы. Нош Коперник аслаз книгаез потон арын спокойно кулйз. Коперниклэн та книгаез потэм бере нырысь ар'ёсаз поп'ёс беспокоить ик ёз каре. Соос оскемын вал, что пеймыт калык'ёс азыыл сямен ик библиялэн важной строчкаезлы, котькуд поповской кыллы оскыса улозы шуса. Уката ик сонин но, что Коперник аслэстыз книгаез латинской кылэн гожтйа. Та кылэз ученой адымиос гинэ тодо вал. Со сяна, Коперниклэсь сёкыт но сложной учениез ваньмыз уз ваа шуса поп'ёс малпало

вал. Озы ке но, сюрисы адымиос, соос та учениез валэктаны но пропагандировать карыны кутскизы. Нош кема ик улытэк сыче ученой потйз, кудйз ке Коперниклэсь кидеке мыййз. Со вал Джордано Бруно, со дышетйз, что мукет планетаосын но муз'ем вылын кадь ик улон луныз кула шуса. Та бордасын ик Бруно антирелигиозной вывод'ёс но лэстыз, поп'ёсты, соослэн муз'ем вылэ инмар васьказ шуса эрекчи выжыкыл'ёс верамзы понна серек'яз. Со выжыкыл'ёс соку гинэ шонерен ляд'яскыны быгатйзы, куде малпало вал муз'ем сяръсь, что со мырын главной инты бастэ шуса. Нош муз'ем—со мукет планетаос кадь ик но сыче планетаос ляд'яны луонтэм уно бере кызы инмар именно отчы, калык'ёс полы улыны ветлэм?

Таке поповской выжыкыл'ёсты Бруно серек'яз. Со утверждать карыз, что со выжыкыл'ёс именно адымиослэн муз'емлэсь мырын положенизэ тодымтэзы бордысь потйзы шуса. Со вабытэ кыязы

КАЙТАНОВ ПАРАШЮТИСТЛЭН ВЫЛЬ МИРОВОЙ РЕКОРДЭЗ

24-ти августэ парашютной спортлэн мастерез капитан-орденоносец К. Ф. Кайтанов эш выль высотной прыжок лэстыз. Со 11.037 метр вылысен тэкчиз.

Та, стратосфераысь прыжокен Кайтанов эш парашютэн вылысен лэзкыны выль мировой рекорд пуктйз, аслэстыз 28 июле та арын сётэм рекордзэ (9.800 метр) ортчиз.

Военизированной походу

30-ти августэ райкомол но Осавиахимлэн райсоветэз Международной Юношеской нуналлы сязыса военизированной походу ортчытызы. Походын райцентрысь 45 мурт комсомолец'ёс но комсомолкаос участвовать карызы.

Капчи атлетикая Чошатскон'ёс

27-ти августэ Алнашын колхозник - физкультурник'ёсын капчи атлетикая отборочной соревнованиос ортчизы. Уноез участник'ёс допризывник'ёс вал.

Гранатаос лэзьянэн нырысь инты „Путь“ колхозысь Дровосеков В. И. допризывник бастйз, со 50 метр кеме лэзыса вуттйз. Вылэ прыжок лэстыонэн Байтерьяк сельсоветысь Токарев А. И. бастйз, со 1 метр но 40 см кеме вылэ тэкчиз. Кидеке прыжок лэстыонэн „Путь“ колхозысь Дровосеков В. И. ик нырысь инты бастйз, со 4 метр но 60 сантиметр тэкчиз. 1000 метр кеме бизыса нырысь инты „Социализме“ колхозысь Никитин М. бастйз, 2 минут но 40 секунд чоже со ортчиз. 1,2 но 3-ти интыос бастэ-тэм умоесь физкультурник'ёс 17-ти сентябре республиканской колхозной спартакиадае ыстэмын луозы.

А. Брытков.

неограниченной власть куйтйсь поп'ёс Бруноен чурит расправиться карызы: соос сое 1600 арын улэпкын тылэн сутйзы.

1610 арын сыче событие луиз, кудйз ке Коперниклэсь учениез эшшо но юматонэ нуиз. Со арын итальянской ученой Галилео Галилей человеческой историн нырысьсэ ин шоры телескоп пуктйз.

Галилей ачиз, ас кынызы лэстыз телескоп. Просто вераса—со пичи гинэ ляб зрительной яке подзорной труба вал. Со ляб труба пыр но Галилей инмысь уно интереснойзэ адйиз. Со Толэзь бордысь гурезьёсты адйиз, куд'ёсыз бордысь Шунды огпалтйз югдытон дыр'я сьёд вужер'ёс кыстысько. Со уно сыче кизилюсты адйиз, куд'ёссэ самой зоркой син но инмысь адйыны уг быгаты.

Галилей адйиз, что Юпитер планета котырын котьку ик кыче ке но ныль кизилюос дуо. Соос, планетаос сямен ик, инмын котьку асьсэлэсь интызэс вош'яло. аслаз наблюдениесыз'я Галилей вывод лэстыз, планетаослэн Шунды котыртй, яке Толэзьлэн Муз'ем котыртй бергамзы сямен ик со кизилюос Юпитер ко-

Японской война Китайын

Шанхай, 27 августэ Официальной сводкаын ивортэм'я 25 августэ Шанхайлы север палан луись Баошань районэ японской войскаослэн выль отрядзы лыктйз. Та войскаослэн отряд'ёссылы высадка мынон дыр'я 10 японской военной судноосысь ыбылон'ёс но 20-лэсь уно бомбардировщик'ёс юрттйзы. Японской войскаос Лойань вылэ атака нуизы. 3 час чоже жугиськон'ёс мынэм бере, японской войскаос ожит чигназы. Лойань город жуаз, сутйськиз. Жугиськон интые уно китайской юрттэт'ёс вуизы. Уйин выльысь жугиськон кутскыса кема чоже мынйз.

Японской войскаослэн 30 сюрс муртсы Шанхайе вуиз. Соос полысь 5 сюрс мурт ёрос Чаньхуабаньлэн но Ваньцаобаньлэн Усун районаз высадить каремын.

Кылем'ёсыз Усун сьёры высадка лэстыны туртско.

Шанхай, 27 августэ. Рейтер агентстволэн нанкинской корреспондентэзлэн ивортэмез'я нуназе мынйсь налёт'ёслы неудачаос луэменвалче японской самолёт'ёс берло нунал'ёсы город вылэ уйин налёт'ёс лэстылон нуо. 25 августэ уйин 9 японской самолёт'ёс Нанкин город вылэ бомбаос куязы. Городлэн юго-восток палаз 15 бомбаос куштэмын. Налёт дыр'я одиг японской бомбардировщик муз'ем вылэ куштэмын. Сое китайской истребительёс куштйзы. Толон уйин японской бомбардировщик'ёслэн группазы Нанкин город вылэ выльысь бомбаос куяны кутскиз. Китайской истребительёс жутскемен японской бомбардировщик'ёс бомбаос куяны ёз быгатэ.

Захватнической войналы миллиард'ёсын коньдон

Фашистской Италия 1937 арлэн нырысь жыныяз Испаниясы интервенцилы кык но жыны миллиард лир, яке 650 миллион манет ёрос коньдон израсходовать карыз.

Солэсь но уно коньдон быдтэмын „покорить“ карем Абиссинияын ожмаськыса.

1936 арлэн октябрысеныз кутскыса 1937 арлэн

июнь толэзёяз абиссинской партизанской отряд'ёслы пумит война нуыны но захватить карем территории „освоить“ каронлы Италия 1 миллиард но 843 миллион манет быдтйз.

Озы тйни „завоевать“ карем Абиссинияын Италиялы азыыл война дыр'я сямен ик жугиськон нуоно луэ на.

Вал'ёсын рысистой ворттон'ёс

30-ти августэ Алнашын вал'ёслы межрайонной выставка ортчиз. Выставкаын Алнаш, Можга, Пычас, Грах, Бемыж район'ёсысь умоесь колхоз'ёсысь вал'ёслы рысистой ворттон'ёс ортчытэмын. Ворттонын нырысь инты бастэ вал'ёслы премиос сётэмын. Соос полын Алнаш районьсы „Тыло“ колхозысь „Пав-

лик“ нимо ужпи, „Социализме“ колхозысь „Герман“ но озы ик „Мотор“, „Восток“ колхоз'ёсысь вал'ёс премировать каремын.

„Павлик“, „Герман“ кадь усто, 1600 метрез 2 минут но 45-46 секундын ортчись вал'ёс 18-ти сентябре республиканской выставкае мынозы.

тыртй бергало. Юпитерлэн та спутник'ёсызлэн планета котыртй двигаться карызы бордысь Галилей со примерез адйиз, ма сяръсь дышетйз Коперник; кызы ке Юпитер котыртй солэн спутник'ёсыз бергало, озы ик бергало Шунды котыртй планетаос. Галилей Коперниклэн учениез пала юн сыдйз. Со учениез со котькызы ик влмытыны но шонер вылэмзэ возматаны тыршиз. Нош озы ке но, Галилей поп'ёсын ссорить карыны ёз туртты. Со отлично вала вал, со вабыт ваньзэ ас кыз кутыса возись христианской черк солэсь улонзэ но, научной уж нуонлэсь луонлыкэс но бастыны (отвять) быгатоз шуса. Сонин ик со туж чакласкыса ужас. Нош озы ке но, коперниковской ученилэн азинскеменыз. кышкам поп'ёс сое быдтыны решить карызы.

1633 арын пересь но висись Галилей суда сётэмын вал. Сёкыт курадзытон'ёсын но улэпкын тылын сутонэн кышкатыса поп'ёс Галилеез „раскаяться“ карыськытызы. Поп'ёслы дуса Галилей коперниковской „ересез“ проклинать карыз но Коперниклэн учениезлэсь но аслаз открытиосызлэсь палэнскыны поп'ёсын лэстытэм отречениез подписать карыз.

Преданиелэн верамез'я, Галилей, пе, отречениез бере пидэс вылысьтыз султйз но, пыдзэ

лэгыса, вераз:

—А все-таки Муз'ем берга!
Веранэз ёвл, та кыл'ёсты шара вераны Галилей ёй быгатысал: сое поп'ёс асьсэ кыны ёй лэзысалзы. Конечно, Галилей отречься ке но карыз, со Коперниклэн дышетэмез пала ик келиз. Поп'ёс нош, соос победа ке но бастйзы кадь, кема ик улытэк, Коперниклэн дышетэмез азылане влмыны кутскиз шуса адйызы. Поп'ёс котькызы ке но преследовать карызы, наука вормиз. Бере кылем пеймыт калык'ёс полын гинэ поп'ёс асьсэлэсь вуж библиейской в-жыкыл'ёссэс влмытыны ёгатызы на. Оскысь калык'ёслэн бере кылеменызы гинэ поп'ёс господствовать карызы на.

В. Шишаков.

Врид. редактор М. НИКИТИН
Потт'ясь РАЙИСПОЛКОМ.

Ялон'ёс

Лазарев Николай Лазаревичлы Алнаш раймилицион сэтэм паспортэз эмен ляд'яно ёвл ни, ыштэмын.

Пушмоли бичаны мыныса, 15 арес'ем Низамеев Зинур Минехавич пие ышиз. Шедьтысь мурт'ёсты Бемыж районьсы, Васильевской сельсоветысь Сасмак гуртэ Низамеев Минехайлы ивортны курысько.